



Bolo e timetše



Ruth Legae





Pula e emišitše go sarasara. Nnako le monna wa gagwe Raisibe ba thabile, bayo go raga bolo lebaleng. Mpšanyana ya bona Ratau e rata go raga bolo le bona. Ba thoma go nyaka bolo.





Bolo e timetše. Nnako le kgaetšedi ya gagwe
Raisibe ba maketše.

Ratau o ba lebeletše. Ga ba tsebe gore ba
thome kae. “Re a go nyaka kae?” gwa botšiša
Raisibe.



Ba a lebelela ka motomong wa matlakala.
Ratau o ba šetše morago,o ba thuša go
nyaka bolo. Bolo ga e gona!







Ratau le yena o gare o nyakana le bolo.
Ratau o leka go fofa legora. Nnako le monna
wa gagwe Raisibe ba a mo goelela. “Bowa
moo Ratau!”



Ratau a boela morago. Raisibe a tlela ke
leano. "Ke ya go e lebelela ka fase ga koloi."





Raisibe a khukhumela ka fase ga koloi go lebelela bolo. Nnako le Ratau ga ba mmone. O boa fela. Diaparo di kgamathetše maraga,a nyamile gore ga se a humana bolo. Bolo ga e gona.



Ratau o leka go fofa legora gape gore a nyake bolo ka ntle. Raisibe le Nnako ba mo goelela gape. “Boa moo Ratau, o tla gobala.” Ratau o boa a lapile kudu. Bolo ga e gona!





Nnako le Raisibe le bona ba lapile go nyaka.
Ba dula fase. Nnako o bitša tatagwe. “Tate!
Tate! Bolo e timetše.”



Tatago bona o lebelela ka motomong wa matlakala. Ratau o mo šetše morago. O hemela godimo.





Nnete ke gore, bolo e timetše. Ratau a tlelwa
ke leano. Ratau a taboga a fofa legora. A
fofela ka ga moagišane. Raisibe le Nnako ga
se ba mmona.



Tate o a mmona. Nnako o a botšiša, “Ratau o kae?”

“O fofile legora”, gwa araba tate. “Etlang re mo šaleng morago,” gwa bolela Raisibe.






Nnako le Raisibe ba tabogela ka ga
moagišane, go šala Ratau morago. Ba bona
Ratau kgauswi le bolo. O goba bolo. “Hau!
Hau!” Ratau o goba bolo.



Agaa, bolo še! Ratau o humane bolo. Ratau o moma bolo ka molomo. Ba boela ka gae ba thabile. Raisibe o phaphatha Ratau hlogoka go mo leboga.





Morago ga sebakanyana, Nnako a bitša tatago bona. “Tate, Ratau o humane bolo”. “O e humane kae?” Tatagwe a botšiša. “O e humane ka ga moagišane,” Nnako a fetola.



Tatago bona a thaba le bona. Raisibe,
Nnako le Ratau ba thoma go ragelana bolo
bathabile. Ba ragelana bolo ba be ba lapa.

